

- Sier Zorzi Emo procurator.
- Sier Andrea Gritti procurator.
- Sier Zacaria Gabriel procurator.
- Sier Marco Dandolo dottor et cavalier, fo capitano in Candia.
- Sier Leonardo Mocenigo, fa savio dil Consejo, fo dil Serenissimo.
- Sier Alvise di Prioli, fo savio dil Consejo, qu. sier Piero procurator.
- Sier Domenego Beneto, fo Consier, qu. sier Piero.
- Sier Piero Lando, fo podestà a Padoa, qu. sier Zuane.
- Sier Piero Querini, fo podestà a Padoa, qu. sier Antonio.
- Sier Piero Capello el cavalier, savio dil Consejo.
- Sier Zuan Marzello, fo Cao dil Consejo di X, qu. sier Andrea.
- Sier Bortolo Contarini, fo Consier, qu. sier Polo.
- Sier Piero da cha' da Pexaro, fo Cao dil Consejo di X, qu. sier Nicolò.
- Sier Alvise Bernardo, è di Pregadi, qu. sier Piero.
- Sier Andrea Foscarini, fo Cao dil Consejo di X, qu. sier Bernardo.
- Sier Antonio Sanudo, fo al luogo di Procuratori, qu. sier Leonardo.
- Sier Alvise Barbaro, fo Cao dil Consejo di X, qu. sier Zacaria cavalier, procurator.
- Sier Polo Valaresso *el Grando*, è di la Zonta, qu. sier Gabriel.
- Sier Marin Alberto, è di Pregadi, qu. sier Antonio.
- Sier Nicolò Zorzi, fo capitano a Brexa, qu. sier Bernardo.
- Sier Nicolò Dolfìn, fo Cao dil Consejo di X, qu. sier Marco.
- Sier Moisè Venier, fo al luogo di Procuratori, qu. sier Moisè.
- Sier Andrea Basadona, fo Consier, qu. sier Filippo.
- Sier Bortolamio da Mosto, fo capitano a Famagosta, qu. sier Giacomo.
- 278 Sier Beneto Longo, ch'è di Pregadi, qu. sier Lorenzo.
- Sier Zuan Minoto, ch'è al luogo di Procuratori, qu. sier Giacomo.
- Sier Alvise Soranzo, fo di la Zonta, qu. sier Giacomo.
- Sier Antonio da Mulla, fo Consier, qu. sier Polo.

Sier Gabriel Moro el cavalier, fo proveditor al Sal, qu. sier Antonio.

Sier Piero Boldù, è di la Zonta, qu. sier Leonardo.

Sier Francesco Bragadin, fo savio dil Consejo, qu. sier Alvise procurator.

Sier Michiel Salamon, fo Consier, qu. sier Nicolò.

Sier Francesco Valier, fo proveditor al Sal, qu. sier Hironimo.

Et in loco di sier Zacaria Gabriel procurator et sier Bortolamio Contarini, è amalati, fono electi questi :

Sier Donado da Leze, fo podestà e capitano in Cao d'Istria, qu. sier Priamo.

Sier Hironimo Malipiero, fo proveditor sora la camera d'imprestidi, qu. sier Giacomo.

Et cussi reduti tutti e intrati in sala di Pregadi, dove era conzado et preparado l'altar con l'ancona di la Nostra Dona fata di man di San Lucha, et ivi reduti li Consieri et Cai di XL, fo per sier Batista Erizo, più vechio Consier, exortato tutti a far bona eletion dil Doxe che governi ben la Republica nostra. Poi fo dato sacramento a tutti sopra il messal, et dito una messa dil Spirito Santo; et mandato fuora il prete, fo leto, per Nicolò Aurelio, il Capitolar di XLI. *Demum* la Signoria ussì fuora et serono la porta, et subito andono a disnar. Serviva, come più zoveni, sier Alvise Pixani procurator, sier Hironimo Justinian procurator et sier Piero da cha' da Pexaro portoner. Li priori sono: sier Michiel Salamon, sier Antonio Grimani procurator et sier Domenego Beneto, come più vechii di anni 85 in suso. Quello seguirà, per zornata noterò qui avanti.

È da saper, che in ditti XLI non fo messo molti di primi di la terra, che dovevano esser posti, e con titolo di Consier e di Cai di X, e tutti tre li Cai di X che poteano intrar non fo messi; sichè fo non poca mormoration in la terra, et cargato molto sier Francesco Corner el cavalier, sier Piero Zen et sier Marco Antonio Sanudo di haver lassà meter questi tali in li XLI; hor Dio vuol cussi.

Da poi disnar, li Savii si reduse et alditeno sier Gasparo Malipiero e sier Fantin Malipiero per la sua nave; e a l'incontro li Patroni col Capitano di Fiandra e li Patroni di Baruto. Hor balotato, terminono darli do galle di Baruto, et fo ben fato per non perder il viazo di Fiandra.

*Di sier Gasparo Contarini orator nostro 278**